

大方廣佛華嚴經卷第十三

三

唐罽賓國三藏般若奉 詔譯
入不思議解脫境界普賢行願品

爾時善財童子一心正念隨順思惟彼王所
立得幻智法門觀察彼王如幻解脫思惟彼王
如幻法性發如幻願淨如幻法悟如幻業隨
順如幻成就之法出生如幻不思議智清淨
如幻三世性相以如幻智起於種種如幻變
化如是思念漸次前行經歷人間聚落城邑
或至曠野巖谷險難山川原隰處處尋求無

有疲懈然後乃至妙光大城於其門側問衆
人言此名何城何王統御人咸報言此妙光
城是大光王之所住處時善財童子歡喜踊
躍志樂清淨一心瞻慕作如是念我善知識
在此城中我今必當親得奉覲聞諸菩薩所
行之行聞諸菩薩出要之門聞諸菩薩所證
之法聞諸菩薩不思議功德聞諸菩薩不思
議自在聞諸菩薩不思議平等聞諸菩薩不
思議勇猛聞諸菩薩不思議境界聞諸菩薩
不思議法性聞諸菩薩不思議三昧聞諸菩

薩不思議解脫遊戲聞諸菩薩不思議廣大清淨作是念已入妙光城周徧觀察見此大城衆寶嚴飾以金銀琉璃玻璃赤珠碑碣碼碯七寶所成七重寶塹周匝圍遶八功德水盈滿其中底有金沙光明照耀優鉢羅華波頭摩華拘物頭華芬陀利華徧布其上其水清徹隨時溫涼白栴檀泥澄淨其下其水隨泥如栴檀色寶多羅樹七重行列枝葉繁茂蓊鬱莊嚴七重金剛以為垣牆所謂師子光明金剛垣無能超勝金剛垣不可沮壞金剛

垣精進難伏金剛垣堅固無著金剛垣天衣網藏金剛垣無垢妙色金剛垣如是七重一圍遶悉以無數摩尼妙寶間錯莊嚴閣浮檀金種種衆寶而爲垣塊金銀琉璃赤珠碼碯玻璃海藏真珠等寶以爲嚴飾其城縱廣
或三
一十由旬周迴八方面開八門皆以七寶周徧嚴飾帝青琉璃以為其地衆色雜寶隨處莊嚴種種珍奇甚可愛樂其城內有十億街道一道邊安布妙寶以爲莊嚴過天帝釋所遊之路一道間皆有無數萬億衆生於

中止住無數百千廣大宮殿一一皆以衆寶
合成復有無數不思議閣浮檀金樓閣帝青
瑠璃摩尼寶網羅覆其上無數不思議白銀
樓閣赤真珠摩尼寶網羅覆其上無數不思
議毗琉璃樓閣廣博妙藏摩尼寶網羅覆其
上無數不可思議玻瓈樓閣日藏摩尼王網羅
覆其上無數不可思議光照世間摩尼寶樓閣
吉祥光藏摩尼王網羅覆其上無數不思議
帝青摩尼寶王樓閣妙光摩尼王網羅覆其
上無數不思議衆生海藏摩尼寶王樓閣燭

光明藏摩尼王網羅覆其上無數不可思議金
剛寶王樓閣無能勝幢摩尼王網羅覆其上
無數不可思議栴檀香王樓閣天曼陀羅華摩
訶曼陀羅華網羅覆其上無數不可思議無等
香王樓閣種種華網羅覆其上有如是等無
數不可思議種種莊嚴妙寶樓閣種種寶網羅
共三
覆其上一一樓閣衆寶欄楯周匝圍遶寶多
羅樹次第行列皆以寶繩而為界道一一寶
繩懸以金鈴一一金鈴衆寶鬘絡如孔雀尾
異色端嚴風動成音聞之可意其城復有阿

僧祇摩尼寶網阿僧祇寶鈴網阿僧祇天香網阿僧祇天華網阿僧祇寶形像網其城復有阿僧祇金剛帳阿僧祇寶衣帳阿僧祇寶蓋帳阿僧祇寶幡帳阿僧祇寶山帳阿僧祇寶華鬘阿僧祇寶樓閣帳之所彌覆處處羅列寶蓋幢旛城中寶池德水盈滿底布金沙寶樓閣寶池寶塹寶樹寶牆寶蓋寶幢寶鈴寶蓋帳阿僧祇寶幡帳阿僧祇寶山帳阿僧祇寶華鬘阿僧祇寶樓閣帳之所彌覆處處羅列寶蓋幢旛城中寶池德水盈滿底布金沙光映內外天諸妙華敷榮其上天諸寶鳥浮戲其中出和雅音悅可人意池岸皆砌七寶莊嚴帝釋寶池無以爲比當此城中有一樓閣名妙法藏阿僧祇種種色寶以爲莊嚴光

明照耀最勝無比衆生樂見心無厭足彼大光王常處其中爾時善財童子於彼大城妙寶樓閣寶池寶塹寶樹寶牆寶蓋寶幢寶鈴寶網如是一切珍寶妙物受用資具乃至男女六塵境界皆無愛著唯於正法園苑之中深心渴慕但正思惟究竟之法一心願樂見善知識漸漸前行普偏觀察見大光王去於所住樓閣不遠四衢道中坐如意摩尼寶蓮華藏廣大莊嚴師子寶座紺瑠璃寶以爲其足金繒爲帳衆寶爲網閣浮金繩交絡嚴飾

上妙天衣以爲茵褥四布敷設阿僧祇妙寶
形像隨處莊嚴其王具有三十二種大人之
相八十隨好而以嚴身如真金山光色熾盛
如淨空日威光赫奕如盛滿月見者清涼心
無厭足如梵天王處於梵衆威德殊勝亦如
卷三
大海聚功德寶無量無邊亦如大雲徧法性
空法雷震吼如淨空界顯現種種法門星象
如雪山王相好樹林以爲嚴飾如須彌山四
色普現衆生心海如寶洲諸種種智寶充滿
其中於王座前復有無量金銀瑠璃真珠摩

尼珊瑚琥珀貝璧玉諸珍寶聚種種寶衣
華鬘瓔珞及諸飲食皆悉充滿復見無數百
千萬億駟馬寶車百千萬億天諸妓樂百千
萬億天諸妙香百千萬億病緣湯藥無數乳
牛蹄角金色無數千億端正女人上妙栴檀
以塗其體天衣瓔珞種種莊嚴六十四能靡
不該練儀範禮則悉皆善知隨衆生心而以
給施城邑聚落四衢道側相次陳列福會義
堂滿二十億安置一切珍寶妙物及諸飲食
充滿其中一一道傍有二十億諸大菩薩以

比諸物惠施衆生令無所乏爲欲攝受諸衆
生故爲欲發起一切衆生愛敬心故爲欲發
起一切衆生歡喜心故爲欲發起一切衆生
踊躍心故爲欲清淨一切衆生正信心故爲
令衆生心清涼故爲令衆生除愛熱故爲令
五
衆生息煩惱故爲令衆生解真實故爲令衆
生入種智故爲令衆生捨怨敵故爲令衆生
離諸惡故爲令衆生拔邪見故爲令衆生淨
諸業故時善財童子五體投地頂禮王足繞
無數帀合掌而立白言聖者我已先發阿耨

多羅三藐三菩提心而未知菩薩云何學菩
薩行修菩薩道我聞聖者善能誘誨願爲我
說時王告言善男子我得淨修菩薩大慈幢
行解脫門清淨滿足善男子我於無量百千
萬億乃至不可說不可說佛所親近聽聞問
難此法隨順思惟審諦觀察清淨悟入修習
莊嚴善男子我以此法爲王以此法教勑以
此法攝受以此法隨逐世間以此法興行政
化以此法調伏衆生以此法引導衆生以此
法憐愍衆生以此法安慰衆生以此法運載

衆生以此法令衆生趣入以此法令衆生修行以此法與衆生方便以此法令衆生思惟諸法究竟實性以此法令衆生安住大慈以慈爲主具足慈力如是令住利益心安樂心哀愍心攝受心守護衆生心常不捨離心拔衆生苦無休息心代諸衆生恒受苦心令諸衆生住安樂心爲令衆生捨離一切障蓋纏縛得自在故爲令衆生究竟安樂於諸衆生得自在故爲令衆生永斷如草蔓逤滋長生死心故爲令衆生永斷如河相續流注結使

心故爲令衆生永斷煩惱習氣心故爲令衆生住於法性寂靜心故爲令衆生永息一切不善法故爲令衆生截生死流入法流故爲令衆生入深法界心無退轉以智慧火燒煩惱薪永斷一切五道生處具菩薩行向一切智心海清淨無諸濁亂信力堅固諸天魔梵沙門婆羅門人與非人所不能動善男子我住如是大慈幢行解脫門故能以正法教化世間善男子我國土中一切衆生皆於我所無有恐怖善男子若有一切貧乏衆生保露

饑羸來至我所或求衣服或求飲食乃至求索一切所須受用之物我開庫藏示令知見而告之言汝等昔來爲此財寶造十不善種種惡業由是業故貧窮裸露衣食不充我於今者悉施汝等恣意取之既自充足隨力修行莫造諸惡莫害衆生莫起諸見莫生執著

大悲心普偏清淨隨心所欲所見不同或見此城其量狹小或見此城其量廣大或見此城土砂爲地或見琉璃衆摩尼寶以爲其地或見垣牆聚土成立或無能勝金剛所成或見其地高下不平或見其地平坦如掌或見屋宅土木所成或見殿堂衆寶嚴飾及諸樓閣塔墀窓闌軒檻戶牖如是一切無非妙寶_{戊三}^七善男子若有衆生其心清淨曾種善根供養諸佛發心趣向一切智道以一切智爲歸依處及我昔時修菩薩行以四攝事曾所攝受皆是菩薩發大乘意行大乘行於諸衆生起

則見此城具足衆寶清淨莊嚴餘皆見穢善
男子此國土中一切衆生五濁世時隨本業
習樂造諸惡我起憐愍攝受彼心而欲救護
入於菩薩大慈爲首隨順世間大三昧門善
男子我當入此三昧門時彼諸衆生所有怖
畏心惱害心怨敵心諍論心如是諸心悉自
銷滅何以故入於菩薩大慈爲首順世三昧
本性功能法如是故善男子且待須臾自當
得見時大光王即入此定其城內外六種震
動寶地寶牆寶堂寶殿臺觀樓閣塔砌戶牖

如是一切互相衝擊悉向於王咸作曲躬敬
禮之像咸出妙音稱讚王德其城內外所有
人民靡不同時歡喜踊躍俱來王所投地頂
禮近王所住鳥獸之屬互相瞻視起慈悲心
咸向王前恭敬禮拜一切山原及諸草樹莫
不迴轉咸向於王如禮敬像陂池泉井及以
河海悉皆騰溢流注王前十千龍王起大香
雲震雷激電灑細香雨復有十千六欲天王
所謂四大天王忉利天王夜摩天王毘率陀
天王妙變化天王他化自在天王如是等王

而爲上首於虛空中作衆伎樂阿僧祇天女
歌詠讚歎阿僧祇天寶華雲阿僧祇天寶香
雲阿僧祇天寶鬘雲阿僧祇天末香雲阿僧
祇天寶衣雲阿僧祇天寶蓋雲阿僧祇天寶
幢雲阿僧祇天寶旛雲徧虛空中而爲嚴飾
供養於王復有醫羅鉢那大象王以自在力
卷三
於虛空中布阿僧祇大寶蓮華垂阿僧祇天
寶瓔珞阿僧祇寶繒帶阿僧祇寶嚴具阿僧
祇寶衣服阿僧祇寶鬘阿僧祇寶華阿僧祇
寶香阿僧祇燒香阿僧祇塗香種種奇妙以

爲嚴飾阿僧祇天女出美妙音歌詠讚歎閻
浮提內復有阿僧祇百千萬億諸羅刹王諸
夜叉王鳩槃茶王毗舍闍王諸鬼王等或居
陸地或處虛空或住山間或居大海如是一
切飲血啖肉殘害衆生皆起慈心願行利益
明識後世不造諸惡恭敬合掌頂禮於王恐
怖不生身心寂靜皆得無量廣大安樂如閻
浮提餘三天下乃至三千大千世界并及十
方百千萬億那由他世界其中所有毒惡衆
生悉亦如是如是一切皆以菩薩大慈爲首

隨順世間三昧法門力如是故時大光王從三昧起告善財言善男子我唯得此菩薩大慈幢行順世三昧解脫門如諸菩薩摩訶薩爲高蓋慈心普蔭諸衆生故爲圓滿平等救護無分別故爲修行下中上行悉等行故爲大地能以慈心任持一切諸衆生故爲盛滿月福德光明於諸世間平等現故爲淨日輪以智光明照了一切所知境故爲世明燈能破衆生諸黑暗故爲水精珠能清衆生諸濁故爲如意寶能滿衆生心所願故爲猛疾

庚三
九
風任持衆生及三昧宮殿一切智智大法城故而我云何能知其行能說其德能稱量彼福德大山能瞻仰彼功德衆星能觀察彼大願風輪能校量彼法平等力能發起彼大修行心能顯示彼大莊嚴海能闡明彼普賢行門能深入彼諸三昧窟能讚歎彼大慈悲雲能降注彼甘露法雨善男子於此南方有一王都名曰安住有優婆夷名曰不動汝詣彼問菩薩云何學菩薩行修菩薩道時善財童子頂禮王足遶無數匝殷勤瞻仰辭退而去

爾時善財童子出妙光城行於道路正念思惟大光王教憶念菩薩大慈幢行思惟菩薩順世三昧普見彼不思議菩薩清淨身普念彼不思議妙寶師子座增長彼不思議大願福德自在力堅固彼不思議成熟衆生智觀察彼不思議不共受用大威德憶念彼不思議神通差別相思惟彼不思議清淨大衆會分別彼不思議普薩所作業憶念明了隨順信解生歡喜心生澄淨心生猛利心生欣悅心生慶幸心生踊躍心生不亂心生明照心

生堅固心生廣博心生無盡心如是思惟悲泣流淚念善知識實爲希有難見難聞善知識者是我寶山出生一切諸功德寶能偏清淨諸菩薩行圓滿菩薩一切淨念清淨菩薩陁羅尼輪顯發菩薩三昧光明修治菩薩見佛境界普雨一切諸佛法雨顯現如來不思議智顯示一切菩薩願門生長一切菩薩根芽復作是念善知識者能救護我令我不墮一切惡趣善知識者能引導我令我得入平等佛慧善知識者能顯照我令我了知諸夷

險道善知識者能開示我令我解了大乘奧義善知識者能勸發我令我速入普賢諸行善知識者能曉悟我令我速到一切智城善知識者能誨諭我令我趣入法界大海善知識者能勸誘我令我普見三世法海善知識者能教授我令我得與衆聖集會善知識者能增長我令我出生一切白法念善知識能以如是利益衆生善財童子如是思惟涕淚盈目彼常守護覺悟菩薩猶影隨形如來使天於虛空中而告之言善男子其有隨順善

知識教諸佛世尊悉皆歡喜其有隨順善知識語則得近於一切智地其有能於善知識行心無疑惑則常值遇一切善友其有發心願常不離善知識者則得具足一切甚深最勝義利善男子汝可往詣安住王都即當得見不動優婆夷大善知識從彼請問諸菩薩行爾時善財童子從彼三昧智光明起漸次遊行至安住城周徧求問不動優婆夷今在何所遇彼人衆咸示之言善男子不動優婆夷身是童女侍觀父母在自宅中與其親屬

及無量人周匝圍遶演說妙法善財聞已其心歡喜生寂靜心生愛敬心如見父母念我於今所願圓滿即詣不動優婆夷所到彼宅門住立觀察入其宅內見彼堂宇微妙清淨衆寶莊嚴金色光明普皆照耀如是光明觸善財身善財即時獲得五百妙三昧門所謂入一切安樂自在幢三昧門了一切寂靜相三昧門遠離一切世間三昧門普眼捨得三昧門如來藏三昧門得如是等五百三昧門以得如是三昧門故身心柔軟如七日胎微

妙輕安世無過者又聞妙香非諸天龍乾闥婆等人與非人之所能有即前往詣恭敬合掌一心觀察見其形色端正殊妙十方世界一切女人無能與比況復過者唯除如來及以一切灌頂菩薩其身殊勝口出妙香宮殿莊嚴受用資具眷屬圍遶威光熾盛清淨無染悉無與等況其過者十方世界一切衆生無有於此優婆夷所起染著心若有衆生暫得瞻見所有煩惱悉自銷滅譬如百萬大梵天王決定不生欲界煩惱其有見此優婆夷

者不起煩惱亦復如是十方衆生觀此女人歡喜愛敬心無厭足唯除具足大智慧者爾時善財童子曲躬合掌恭敬瞻視正念觀察見此女人其身自在不可思議色相顏容世無與等光明洞徹物無能障普爲法界一切衆生作大饒益無有窮盡其身毛孔恒出妙香眷屬無邊宮殿第一功德深廣不可思議

汝常護持清淨戒 普修菩薩無垢忍
堅進不動如金剛 紗果超世無能比

爾時善財童子說此偈已白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說時不動優婆夷以菩薩柔軟語可愛語慈悲語慰諭善財而告之言善哉善哉善男子汝已能發阿耨多羅三藐三菩提心善男子我得菩薩難摧伏智慧藏解脫莫能究竟知其涯際生歡喜心以偈讚曰

門我得菩薩堅固受持願行門我得菩薩一切法平等地總持門我得菩薩一切法智光照辯才門我得菩薩求一切法心無疲厭莊

嚴三昧門善財童子白言聖者善薩難摧伏
智慧藏解脫門乃至求法心無疲厭莊嚴三
昧門境界云何答言善男子此處甚深難知
成三
難信善財白言唯願聖者承佛神力爲我宣
說我因聖者善知識力能信能受能解能知
能甚深入能隨順行明了觀察憶念修習離
諸分別究竟平等

音釋

塗漬也魚觀切翁鬱翁鳥孔切翁鬱草木威貌蔓達蔓
蔓達切達以然切連屬貌倮卽果赤體也噉徒溫切食取也